

近代中國史料叢刊續編第四十一輯
沈雲龍主編

修史試筆

藍鼎元著

文海出版社

有限公司
印行

序

脩史試筆者鹿洲欲脩宋史而
以此試其筆也古今言史者曰
才曰學曰識余謂史所難者筆
耳一筆之苟三綱以淪九法以
斁故秉筆者必其守先聖之道

任天下之重本忠行怒然後可
以張萬世之袞鉞植千秋之綱
常自西狩獲麟而筆絕矣千數
百年間續之者獨紫陽夫子耳
龍門五十萬言班范莫出其籬
惜其不能衷諸大道難語春秋

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



之筆五代褒貶自比春秋而論
次不無遺漏此外皆自鄙矣甚
矣筆之難也鹿洲上下古今網
羅經籍時、以誅奸邪發潛德
為己任乙巳春與余客都門病
宋史雜沓繁蕪不殊堆砌邸報

掩卷歎歎曰是豈非古今一大憾哉士君子有志方欲為天地補陷缺此事可諉諸異人任耶是夏叙次有唐名臣擇其忠節經濟之炳乾坤者列為傳名曰脩史試筆詞簡而談義精而嚴

體醇而厚余讀而嘆曰此古良
史筆也而又何試哉鹿洲生長
名邦為道南正脉讀洙泗之書
究洛閩之奧紫陽以筆續洙泗
鹿洲即可以筆續紫陽振忠臣
孝子之氣寒姦雄逆豎之膽衍

文章道義之傳天柱地維直以
一筆撐之而又何試乎鹿洲曰
不然天下名儒宗匠衆矣將必
有鑪錘千古之才載筆而動我
未逮者此則鹿洲虛衷若谷而
余益以謏鹿洲之真能一筆不

苟也嗚呼春秋之作日月經天
天不生夫子萬古如長夜余悲
夫後漢傾頽建文遜國變出非
常元會運世之沉、昏、莫有
甚於此者秉筆如溫公而不能
誅曹瞞於既死不有紫陽則陳

壽狗彘流毒何窮哉彘
誅曹瞞之逆而無人以筆
藩之逆余所望於鹿洲之
者不獨宋史也昔左氏欲
秋而作國語試之謂也夫
起於膚寸河流發於星宿

文章有開必先試筆之作豈偶
然哉不揣腐陋為弁數言於其
端雍正戊申臘月望日衡山年
全學愚弟曠敏本拜題於棉陽
書院之開存堂



--	--	--	--	--	--	--	--

100

脩史試筆目次

潭浦藍鼎元玉霖氏纂

唐

房立齡傳

杜如晦傳

魏徵傳

李靖傳

傅奕傳

馬周傳

褚遂良傳

裴行儉傳

狄仁傑傳

張柬之傳

姚崇傳

宋璟傳

韓休傳

張九齡傳

張巡許遠傳

顏真卿杲卿傳

郭子儀傳

李光弼傳

楊綰傳

段秀實傳

杜黃裳傳

李泌傳

李晟傳

子愬附

馬燧傳

渾瑊傳

李抱真傳

柳渾傳

陸贄傳

陽城傳

裴均傳

李絳傳

裴度傳

韋處厚傳

李德裕傳

劉蕡傳

五代

王朴傳

脩史試筆卷上

漳浦藍鼎元玉霖氏纂

衡山曠敏本魯之氏評

房玄齡傳

房玄齡名喬以字行齊州臨淄人也幼警敏善屬文
書兼草隸開皇中天下混一僉謂隋祚方末玄齡密
白父以隋無功德妄誅殺攘神器嫡庶混淆侈僭相
傾亡可翹足待父驚曰無妄言年十八舉進士吏部

與項戲秦同一預利而器識自別

侍郎高孝基謂裴矩曰此郎國器終當聳壑昂霄恨

我不及見耳補隰城尉尋坐漢王諒累徙上郡顧中

○接○雄○健○

原方亂慨然有憂天下志太宗以燉煌公狗渭北杖

策謁軍門署行軍記室參軍公為秦王授府記室每

從征伐眾爭取貨珍○此○互○齡○大○計○也○提○聲○特○明○互齡獨收人物致幕府與諸將

相申結人人願盡死力王比之光武得鄧禹云隱太

子與王有隙互齡勸王行周公之事引杜如晦協判

大計太子忌此二人皆譖于帝而斥之變將作王夜

召二人以方士服入計事事定擢右庶子及即位為

中書令第功班賞第一。封邢國公。食邑千三百戶。淮
安王神通曰。臣舉兵關西。首應義旗。今互齡等以刀
筆加臣。上竊所未服。帝曰。叔父雖首倡舉兵。蓋亦自
營脫禍。建德之南。全軍覆沒。黑闥再合。望風輒奔。互
齡等有決勝帷幄。定社稷功。此蕭何所以先諸將也。
進尚書左僕射。監脩國史。更封魏帝。嘗問創業守成
孰難。互齡曰。草昧之初。羣雄並起。角力而後。臣之創
業難。魏徵曰。自古帝王莫不得之於艱難。失之於安
逸。守成難。帝曰。互齡從我定天下。冒百死。獲一生。故

又以魏徵陪寫。

對時。

知創業之難。徵與我安天下。常恐驕奢。生於富貴。禍亂伏於所忽。故知守成之難。然創業往矣。守成之難。

結住

方與公等慎之。未幾更封梁加太子少師。女爲王妃。男尚主。自以權寵隆極。累表辭位。不許。頃之。進司空。

高見

仍總朝政。又辭。帝遣使謂曰。讓誠美德。然國家眷賴。

漢高所。以如身。左右手也。

人不可一日去。左右改太子太傅。知門下省事。帝伐

點睛

留守京師。詔曰。公當蕭何之任。朕無西顧憂矣。凡

器械。飛翰軍伍。行留悉裁。綜之。五齡數上書。勸帝無

臣敵。久事外夷。固辭太子太傅。比病劇。帝對之流涕。

日遣人候問起居。少閒卽喜形於色。五齡謂諸子曰。今天下無事。惟討高麗未止。羣臣莫敢諫。吾而不言。抱愧沒地矣。乃上疏曰。上古所不臣者。陛下皆臣之。突厥高昌吐谷渾。以次夷滅。延陀鐵勒。按置州縣。今自將六軍。征討高麗。不旬日。拔遼東。禽獲數十萬。可謂功倍前世。傳曰。知足不辱。知止不殆。陛下威名功烈。旣云足矣。擴地開疆。亦可止矣。邊夷醜種。不足責以禮義。古者禽魚畜之。必絕其類。恐獸窮則搏。且陛下每決死罪。必三覆五奏。進疏食。停音樂。以人命重。

也。今驅無罪之士。委之鋒鏑之間。使肝腦塗地。老父

孤子。慈母寡妻。望榱車抱枯骨。椎心掩泣。變動陰陽。

。羅。羅。筆。端。

傷害和氣。實天下之至痛也。使高麗違失臣節。誅之

可。侵擾百姓。滅之可能。為後世患。夷之可。今無是三

者。而坐敵中國。為舊王雪恥。新羅報仇。非所存小所

損。大乎。願陛下許高麗自新。焚陵波之船。罷應募之

衆。則臣死骨不朽。帝得疏。謂高陽公主曰。是已危篤。

尚能憂吾國事。疾甚。命鑿苑垣。以便候問。親握手與

訣。擢子遺愛。右衛中郎將遺則。朝散大夫。令及見之。

卒年七十一陪葬昭陵諡文昭。玄齡明達吏事夙夜盡心惟恐一物失所用法寬平聞人善若已有之取人不求備雖卑賤皆得盡所長治家有法度慮諸子驕侈席勢凌人集古今家誠書爲屏風令各取一具曰留意于此足以保躬漢袁氏累葉忠節吾心所尚爾等師之子遺直嗣。

上意

論曰玄齡事跡與漢蕭何相類顧何遭高帝猜刻晝夜岌岌茹醢間玄齡際太宗道協計從始終罔間蕭處難而房處易其政治亦不大相遠何哉無致君堯

歐定

舜之學術。但開國承家。紀綱粗定。稱一代名相焉。兩
人力量均之乎。止此矣。然何終未免。乃筆吏而互齡
濟以文學。稍爲過之。不矜不伐。居然有儒者氣象。臨
沒高麗一疏。不忘史魚尸諫之忠。君子哉。

蕭何入咸陽藏圖書。此相漢第一要著也。互齡從
征伐收人物。此相唐第一要著也。高麗一疏。老臣
愛國乃互齡絕好結局。蕭何無此遠謀。然請苑械
繫箝其口矣。兩人遭際之幸不幸也。篇中處處對
照體製。亦祖史公而提挈剪裁。別具手眼。史才史

識已見一班

10

杜如晦傳

杜如晦字克明京兆杜陵人也少英爽喜書以風流

自命負大節臨機輒能斷大業中赴吏部選亦為高

孝基器重謂君有應變才當為棟梁之用願保崇令

德補滄陽尉未幾棄官歸唐兵入關任秦府兵曹參

軍俄徙陝州總管府長史時府僚外遷者多房玄齡

獨謂王曰他人去無足惜惟如晦王佐牙也大王若

終守藩輔無所用之必欲經營四方非此人莫可王

驚曰微公言我幾失之因表留幕府從征伐常參帷

幄預機秘方軍國多事裁決如流莫能窺其涯際深
為內外所推服累遷陝東道行臺郎中封建平縣男
兼文學館學士丹青畫象十有八人以如晦為冠首
隱太子之變與應玄齡定謀論功相等授左庶子遷兵
部尚書封蔡國公貞觀二年進侍中攝吏部選總監
東宮兵馬三年拜右僕射仍領選所引士賢否上下
咸得其職時天下新定凡立國規模臺閣制度典章
文物悉與玄齡應裁定每議大政事玄齡必曰非如晦
莫能籌之及如晦至卒用玄齡策蓋玄齡長于謀如

晦長于斷兩人深相知故能同心協德以致太平談

良相者稱房杜焉尋以疾請解職頻使存問醫藥相

望於道及疾篤帝與太子親至其家無之流涕超遷

其子構為尚舍奉御卒年四十六帝哭之慟贈司空

封萊國公諡曰成詔虞世南勒文于碑言一體痛悼

之意他日食瓜而美輟其半奠焉嘗以黃銀帶賜玄

齡謂曰如晦與公同輔朕今獨見公不見如晦矣泣

然下淚更取黃金帶送于靈所以後或見夢寐救御

饌往祭明年之祥遣尚宮慰問妻子國府官屬並不

結案

開情入妙讀者

至齡折翼矣

房傳程寫老臣戀君杜傳極為君戀老臣兩人生

氣勃勃行間

罷。始。終。恩。禮。無。少。衰。

論曰。如。晦。才。高。氣。爽。遇。事。明。決。沽。然。無。滯。礙。真。開。國。

臣也。故。能。與。五。齡。之。周。密。相。濟。有。成。並。定。天。下。稱。名。

相。偉。矣。使。天。假。之。年。得。從。容。以。報。太。宗。之。知。遇。當。必。

更。有。可。觀。者。

臨。機。能。斷。如。晦。之。功。案。定。矣。房。謀。杜。斷。並。翼。而。行。

者。也。篇。首。提。筆。特。清。入。後。迴。環。照。應。叙。次。精。嚴。合。

房。傳。看。之。益。見。此。篇。之。妙。

魏徵傳

魏徵字玄成，魏州曲城人也。少孤落魄，有大志，不營
 貲產。見隋亂，詭為道士浮沈。李密建德間，後入關為

隱太子洗馬。徵見秦王功高，勸太子早為計。太子敗。

王切責徵，答曰：「太子早從徵言，不死今日之禍。」王器

臣相得兆于此矣

按法矯切

切

其直，即位拜諫議大夫。時河北州縣素事隱，巢者不

自安，皆潛伏思亂。徵白帝，示至公，解之，命往慰諭。道

遇械，送太子千牛李志安。齊王護軍李思行徵，與其

副謀曰：「受命赦宮府舊人，今復執送志安等，吾屬雖